

INTERGEO EAST 2006

U Beogradu je u periodu 22.02 – 24.02.2006. godine održan Intergeo East -međunarodni poslovni sajam i konferencija iz oblasti upravljanja zemljištem, geoinformacija, građevinarstva i zaštite životne sredine. Manifestacija je osmišljena tako da obezbijedi podršku i platformu za razvoj tržišta zemalja Istočne Evrope. Intergeo East 2006 su organizovali Republički geodetski zavod Srbije, njemačka firma HINTE, CongrExpo, Beogradski sajam, DVW - njemačko udruženje za geodeziju, geoinformacije i upravljanje zemljištem i GTZ - njemačka agencija za tehničku saradnju.

Na sajamskom dijelu manifestacije učestvovalo je 85 kompanija iz 31 zemlje koje su predstavile svoje proizvode i usluge. Posjetioci sajma su mogli vidjeti najnovija tehnička i tehnološka dostignuća u oblasti geodetskih softvera, geodetskih instrumenata, GIS aplikacija i sl. Sajam je bio praćen specijalnim programima, radionicama i stručnim prezentacijama.



Sajam Intergeo East je obišlo preko 3000 posjetilaca

U okviru konferencije, prezentovano je 70 naučnih i stručnih radova dvije stotine autora iz 18 zemalja.

Radovi su bili podijeljeni u sljedeće kategorije:

- upravljanje zemljištem i katastar,
- infrastruktura nacionalnih prostornih podataka,
- fotogrametrija,
- moderne geodetske tehnologije,
- satelitske tehnologije,
- organizacija nacionalnih institucija,
- obrazovanje,
- državna kartografija.



Prezentacija rada „Visualization of topographic database at the internet“

Kada su u pitanju učesnici iz Bosne i Hercegovine, na sajamskom dijelu manifestacije svoje proizvode i usluge su predstavile firme Angermeier d.o.o. iz Sarajeva, InfoMap LCC iz Bosanskog Novog i Gauss Geoinformation Systems iz Tuzle. Na konferenciji je Odsjek za geodeziju Građevinskog fakulteta u Sarajevu prezentirao rad „Visualization of topographic database at the internet“ a Federalna uprava za geodetske i imovinsko pravne poslove rad „Activities in the field of geodesy in the Bosnian Federation“.

Nedim Tuno